

ORDO DI-  
STRIBUTIONIS  
SACRAMENTI ALTARIS  
SVB VTRAQVE SPECIE, ET  
FORMVLA CONFESSIONIS  
FACIENDAE IN RE-  
GNO ANGLIAE.

HAEC LONDINI EVVL-  
GATA SVNT OCTAVO  
DIE MARTII,  
ANNI

M. D. XLVIII.

D. 10.

*Alexander Alesius D.*

*D. Q. Johanni Ciconij*

*an. 1548.*

14.4

BRITISH MUSEUM

RECEIVED  
FROM THE  
LIBRARY OF THE  
BRITISH MUSEUM

THE  
LIBRARY OF THE  
BRITISH MUSEUM

BRITISH MUSEUM

4. 28. 8.  
186.

BRITISH MUSEUM



EDICTVM REGIS.

EDVARDVS

DEI BENEFICIO REX AN-

GLIÆ, GALLIARVM ET HI-

bernæ, defensor fidei, & Ecclesiæ Chri-

sti in Angliæ & Hibernia, summum

sub ipso in terris caput, uniuers-

is & singulis dilectis sub-

ditis nostris Salu-

tem.



VM IN SUPREMIS

regni nostri comitijs po-

stremo habitis Vuestmo-

nasterij in regia nostra,

à nobis ex unanimi con-

sensu omnium ordinum, & statuum

regni nostri ad gloriam Dei, & iuxta

institutionē Domini nostri Iesu Chri-

sti sit decretum, & inter acta comitio-

rum Regni relatum, Vt venerabile

Sacramentum corporis & sanguinis

Domini nostri Iesu Christi distribua-

tur uniuersis & singulis incolis An-

gliæ & Hiberniæ, ac aliarum prouin-

ciarum nostrarum sub utraque spe-

A 2

cie,

cie, hoc est, panis & uini, ne quilibet  
apud se singularem quandam for-  
mam & rationem administrationis  
excogitaret, & ex diuersa administra-  
tione uenerabilis Sacramenti, quod  
est Symbolum unitatis, oriretur inde-  
cens & perniciofa discordia. Placuit  
nobis ex consilio carissimi auunculi  
nostri, ducis Somersetensis, custodis  
corporis nostri, & protectoris omni-  
um regnorum nostrorum, & aliorum  
qui nobis sunt à consilijs, ut uenera-  
bile Sacramentum administretur po-  
pulis nostris hac tantum forma & ra-  
tione, quæ nostra autoritate & con-  
silio eorum, quos cōmemorauimus,  
est expressa & declarata. Optamus  
enim unumquemque debita qua de-  
cet reuerentia, & Christiana circum-  
spectiōe accedere ad hoc sanctissi-  
mum Sacramentum, & beatissimam  
communionem, ne indigna perce-  
ptione tantorum mysteriorum sei-  
psum reum peragat corporis & san-  
guinis Domini, & edat ac bibat iu-  
diciū sibi ipsi, sed multo magis  
quem-



quemlibet diligenti sui ipsius exami-  
ne sic accedere ad sanctissimam men-  
sam Christi, ut possit particeps esse  
communione & beneficiorum ipsi-  
us, & in Christo manere, ac habere  
Christum in se habitantem.

Præterea etiam cupimus omnes ea  
animorum consensione, & qua de-  
bent submissione hanc nostram imò  
Dei ordinationem excipere, ut nos  
sua obedientia subinde magis ac ma-  
gis inuitent, ad alacrius suscipiendam  
curam & cogitationem ulterioris re-  
formationis, & promulgationis hui-  
usmodi ordinationum, quæ ad glo-  
riam Dei, ædificationem subditorum,  
& incrementum ueræ religionis per-  
tineant.

Nos Deo uolente ad has res perfi-  
ciendas summum studium & diligen-  
tiam sumus adhibaturi, interim au-  
tem uolumus & cupimus, ut subditi  
nostri hæc sibi de nobis persuadeant,  
& quietis animis sint. Vt qui sponte  
sequantur autoritatē, ut æquum est,  
ac decet subditos, non præueniant,

nec præuerrere conentur, ne eorum  
nimia festinatio his rebus maximo sit  
impedimento, dum aliqui arrogan-  
ter magis quam piè uolunt uideri,  
propria autoritate, præpropere has  
res promouere. Nolumus enim sub-  
iectos nobis usque adeo contemnere  
iudicium nostrum, nec tantum diffi-  
dere nostro zœlo, quasi aut nescire-  
mus discernere quid agendum sit,  
aut nollemus ea efficere, tempore ad  
hæc destinato.

Nam scimus ( sint Deo gratiæ ) &  
quæ iuxta suum uerbum opus ha-  
bent reformatione, & seria cogitatio-  
ne nobis proposuimus cum consen-  
su carissimi auunculi nostri & alio-  
rum cōsiliariorum nostrorum omni  
diligentiâ, & acceleratione qua con-  
uenit eadem promouere ad gloriam  
Dei, & ædificationem ac quietem po-  
puli, quæ, ut nihil dubitamus, omnes  
obedientes, & dilecti subditi nostri  
reuerenter à nobis expectabunt.  
Datum Vuestmonasterij in regia no-  
stra mense Martio, Anni 1548.

*Domine saluum fac Regem &c.*



# ORDO COMMVNIONIS.



PRIMO PASTOR  
Ecclesie, aut eius Vi  
carius proximo die  
dominico aut festo,  
uel ad minimū pri  
die communionis si  
gnificabit suis par

rochianis, uel eis qui tum aderunt, ut  
sefe præparent ad communionem,  
hæc quæ sequuntur aut similia istis  
manifestè & clarè pronuncians.

Dilecti in Domino, & uos nomi  
natim, quorum salus animarum mihi  
demandata est. proximo die N. con  
stitui Deo uolente, offerre omnibus  
eis, qui ad hoc sese apparare uelint, sa  
cramentum plenum consolationis,  
hoc est, corpus & sanguinem Chri  
sti, ut id percipiant in recordationem  
gloriosæ, & summe frugiferæ passio  
nis ipsius, per quam obtinuimus re  
missionem peccatorum nostrorum,

& participes facti sumus coelestis regni. de quibus certi efficimur, si accedamus ad Sacramentum cum uera contritione de peccatis nostris, & firma fiducia misericordiae Dei nobis propter Christum gratis oblatae, & cum certo proposito praestandi obedientiam erga praecipua Dei, & non perseverandi in peccato. Est igitur officij uestri accedere ad Sacramentum cum pectore pleno gratiarum actionis erga Deum patrem omnipotentem, & Dominum nostrum IESUM CHRISTVM, pro infinita sua misericordia & beneficijs exhibitis, ac praestitis nobis indignis seruis suis, pro quibus non solum tradidit corpus suum ad mortem, & effudit suum preciosum sanguinem, uerum etiam dignatus est in Sacramento, & mysterio dare suum corpus & sanguinem spiritualiter in cibum & potum. Quod sacramentum cum sit res diuina & sacrosancta, ac plena consolationis eis, qui id digne percipiunt, & sit res plena periculi ad hoc indi-



indigne accedere, officiū mei est, uos  
exhortari, ut consideretis interim rei  
magnitudinem, & ut exploretis, ac  
probetis conscientias uestras, neque  
hoc leuiter, aut hipocritarum more,  
qui Deo mentiuntur, sed ut illi, qui  
debent ad diuinum, & cœleste conui-  
uium accedere, cum ueste nuptiali,  
quam Christus in Euangelio requi-  
rit, ut possitis quantum humana finit  
fragilitas inueniri digni hac cœna, ad  
quam hac, uia & ratione est aduen-  
dum.

Primo, ut uos ex animo poeniteat  
anteactæ malæ uitæ, & quod corde  
non ficto, confiteamini Deo omnia  
peccata uestra, & ingratitude er-  
ga suam Maiestatem, uoluntate, uer-  
bo, facto, aut ex infirmitate, & igno-  
rantia, & cum dolore, & lachrimis  
deploretis peccata uestra, & petatis à  
Deo misericordiam, & ueniam, pro-  
mittentes ei ex animo emendationē  
prioris uitæ.

Sed inter cætera debeo ex præce-  
pto Dei uos commonefacere & ex-

A 5

hor-

hortari, ut reconciliamini eis quos offendistis, & à quibus estis offensi, efficietes ex animis, iram, odia, & indignationem aduersus eos, & ut diligatis omnes, ac ignoscatis uniuersis, sicut uultis Deum uobis ignoscere. Quod si inter uos quispiam sit, cuius conscientia grauatur, aut offenditur aliqua in re, aut qui cupit consolationem & consilium, is ad me ueniat, uel aliquem alium doctum, & prouidum uirum, peritum in lege Domini, & confiteatur secreto suum peccatum, ut possit institui, & recipere consolationem spiritualem, & à nobis tanquam Dei, & Ecclesiæ Domini nostri Iesu Christi ministris accipere consolationem, & absolutionem, qua possit sese consolari, ut conscientia sit libera ab omni dubitatione. Cæterum eos, qui suis mentibus satisfaciunt generali confessione, hortamur, ne offendantur eorum imbecillitate, qui ut suis satisfaciant conscientijs, utuntur auriculari confessione ad sacerdotem, ac uicissim hos ipsos,



ipsos, qui iudicant opus esse, aut utile, ut quietas habeant conscientias, uti confessione priuata, ne offendantur eorum firmitate, qui sibi satisfaciunt humili ad Deum, & generali ad Ecclesiam confessione, & in omnibus huiusmodi rebus sequantur, & seruent regulam dilectionis Christianæ. Et quilibet uideat, ut sua sibi satisfaciât conscientia, non iudicet aliorum mentes, & actiones in his, de quibus non habet expressum uerbum Dei.

## DE TEMPORE COMMUNIONIS.

Tempus communionis erit immediate, postquam sacerdos sumserit Sacramentum, absque mutatione cuiuscunque ritus, aut ceremoniæ in missa, donec prospectum, & constitutum fuerit à nobis de alio ordine. Ut igitur antea consueuit sacerdos præparare hostias, & consecrare totidem, quos populo sufficiunt. Sic nunc faciat per omnia, hoc excepto, quòd sacer-

sacerdos consecrabit maiorem calicem, uel pulcram aliquam & conuenientem pateram plenam uino, cui admixtum sit paululum aquæ, neque debet sacerdos solus exhaurire calicem, sed postquam ipse ex eo bibit, porrigere quod reliquum est, eis qui petunt communionem, ad quos conuersus, utetur hac exhortatione.

Dilectissimi fratres in Domino, qui acceditis ad sacram *συνάφην*, meminisse debetis, quid sanctus Paulus scribat ad Corinthios, & quomodo commonefaciat omnes, ut diligenter sese probent & explorent, priusquam de hoc pane edant, & bibant de hoc calice. Quandoquidem sicut beneficium ipsum per se maximum est, si ex animo uerè cōtrito, & uiua fide hoc sanctissimum Sacramentum accipiamus, (nam sic spiritualiter manducamus corpus Christi, & bibimus eius sanguinem, & in eo manemus, & ipse in nobis habitat, ac ipse nobiscum, & nos cum eo unum efficiamur) ita ingens est periculum, si id  
indignè



indignè accipiamus, tunc enim effici-  
mur rei corporis & sanguinis Chri-  
sti seruatoris nostri, edimus & bibi-  
mus nostram condemnationē, quia  
non discernimus corpus Domini, &  
accerimus nobis iram Dei, & pro-  
uocamus, ut nos flagellet diuersis pla-  
gis, & uarijs generibus mortis.

Quare fratres uosipsums iudicate,  
ne à Domino iudicemini, eijcite ex  
animis studium peccandi, poeniteat  
uos seriò præteritorum peccatorum,  
toto pectore confidite seruatori no-  
stro Christo, diligatis omnes homi-  
nes ex animo. Ita enim efficiemini ue-  
rè participes horum mysteriorum,  
sed ante omnia necesse est, ut maxi-  
ma cum humilitate, & ex corde aga-  
mus gratias Deo Patri, & Filio &  
Spiritu sancto, quod redemit mun-  
dum per passionem & mortem serua-  
toris nostri Christi, ueri Dei & ueri  
hominis, qui se humiliauit usque ad  
mortem, mortem autem crucis, pro  
nobis miseris peccatoribus, habitan-  
tibus in tenebris & in umbra mortis,  
ut

ut nos efficeret filios Dei, & hæredes  
uitæ æternæ, ad hunc enim finem, ut  
semper memores essemus infiniti a-  
moris, magistri, & unici seruatoris  
nostri Iesu Christi, & innumerabili-  
um beneficiorum, quæ per effusio-  
nem præciosi sui sanguinis nobis ob-  
tinuit, reliquit in his sacris mysteriis  
quasi pignus amoris, Et perpetuum  
*μνημόσυνον* suum proprium corpus  
benedictum, & preciosum sangui-  
nem, ut ex his spiritualiter pascamur,  
& haberemus æternam consolatio-  
nem.

Ei igitur unà cum Patre & Spi-  
ritu sancto agamus gratias, ut meri-  
to debemus, & humiliemus nosmet  
ipso, ac subiiciamus eius sanctissi-  
mæ uoluntati, & studeamus ei obse-  
qui in uera sanctitate, & iustitia o-  
mnibus diebus uitæ nostræ.

Tunc Sacerdos dicet illis qui sunt  
parati ad accipiendum Sacramentum.

Si quis hic sit palam blasphemus,  
adul-



adulter, laborans odio, & inuidia,  
uel alio quopiam crimine manife-  
sto, nec de illo dolet ex animo, neque  
serio proponit id deferere, uel qui  
non credit se Deo reconciliatum es-  
se, aut non rediit in gratiam cum  
proximis, is aliquandiu deploret ad  
huc peccata sua, nec accedat ad hanc  
sacram mensam, ne post acceptio-  
nem huius sacrosancti panis, diabo-  
lus intret in eum, sicut fecit in Iuda,  
ut sit in eo efficax ad perpetrandam  
omnem iniquitatem, & ut pertrahat  
eum tam ad corporis quam animi  
exitium.

Hic quiescet paulisper Sacerdos,  
ut uideat utrum quispiam seipsum  
subtrahat à coena, quod si perspexe-  
rit, hunc oportuno tempore conue-  
niat, & cum eo secreto colloquatur,  
& periculū faciat utrum possit eum  
per exhortationem lucrifacere Chri-  
sto, & paulo post dicet Sacerdos.

Vos qui uerè & seriò doletis de  
peccatis uestris, per quæ Deum of-  
fendi-

fendis, & reconciliati estis proximi, et proposuistis inchoare nouam uitam, & obsequi praeceptis Dei, & iuxta ea dirigere omnes uestras actiones, huc accedite propius, ut percipiatis sanctissimum Sacramentum ad uestram consolationem, & humiliter confiteamini Deo omnipotenti, & Ecclesiae suae hic congregatae in ipsius nomine genua flectentes cum omni submissione.

Tunc fiet generalis confessio nomine eorum, qui uolunt communicare, uel per eorum aliquem, uel per unum ex ministris altaris, uel per ipsum Sacerdotem omnibus interim flectentibus genua.

Omnipotens Deus, pater domini nostri Iesu Christi, conditor omnium rerum, & iudex uniuersorum mortalium, nos confitemur & deploramus nostra multiplicia peccata, & innumeras iniquitates, quas subinde per omnem uitam contumaciter designauimus.



gnauimus cogitatione, uerbis, facto  
contra diuinam maiestatem tuam  
prouocantes iustissimam iram & in-  
dignationem tuā aduersus nos. Vere  
enim ex animo dolemus, & serio nos  
pœnitet de peccatis nostris, eorum  
commemoratio est nobis acerbissi-  
ma, illorum grauitatem ferre non  
possumus, miserere nostri misericor-  
dissime Pater, propter Filium tuum  
dominum nostrum Iesum Christū,  
condona nobis peccata præterita, &  
benigne concede, ut semper posthac  
seruiamus, & placeamus tibi in noui-  
tate uitæ ad laudem & gloriam nomi-  
nis tui, per dominum nostrum Ie-  
sum Christum.

Tunc eriget se Sacerdos, & con-  
uersus ad populum sic loquetur.

Dominus noster Iesus Christus,  
qui suam potestatem dedit Ecclesiæ,  
ut absoluat pœnitentes à peccatis i-  
pforum, & reconciliet cœlesti patri  
eod, qui suam fiduciam collocant in

B

Chri-

Christum, misereatur uestri, remittat  
& condonet uobis omnia peccata  
uestra, confirmet & corroboret uos  
in omni bono opere, & perducatur ad  
æternam uitam.

Sic stans conuersus ad populum  
dicet, audite, quomodo Christus in-  
uitat ad se peccatores, & eos conso-  
latur, uerbis omni consolatione ple-  
nissimis.

Venite ad me omnes qui labora-  
tis, & onerati estis, & ego uos requie-  
scere faciam, Sic Deus dilexit mun-  
dum, ut filium suum unigenitum da-  
ret, ut omnis qui credit in eum non  
pereat, sed habeat uitam æternam.

Audite etiam quid sanctus  
Paulus dicat.

Fidelis sermo & omni observa-  
tione dignissimus Christus Iesus ue-  
nit in hunc mundum, ut saluos face-  
ret peccatores.

Et Ioannes inquit.

Si quis peccauerit, aduocatum ha-  
bemus



bemus apud patrem Iesum Christū  
iustum, & ipse est propiciatio pro  
peccatis nostris.

Tunc genu flectet Sacerdos, &  
nomine eorum qui uolunt commu-  
nicare sic orabit.

Non audemus accedere ad hanc  
mensam tuam ō misericors domine,  
fiducia iustitiæ nostræ, sed in multitu-  
dine miserationum tuarum, neque  
enim sumus digni, ut colligamus mi-  
cas de mensa tua, sed tu es ille idē do-  
minus, cuius semper proprium est  
misereri, Concede igitur misericors  
domine, ut sic edamus carnem filij  
tui, & bibamus eius sanguinem in  
his sacris mysterijs, ut perpetuo habi-  
temus in eo, & ipse in nobis, ut no-  
stra corpora peccatis inquinata mun-  
da fiant perceptione sacratissimi cor-  
poris eius, & nostræ animæ lauentur  
præcioso sanguine ipsius. Amen.

Tunc surget sacerdos populo ad-

B 2

huc

huc genu flectente, & porriget Sacramentum primo ministris, si qui uoluerint communicare, ut postea iuuent eum in administratione Sacramenti.

Et cum exhibet Sacramentum corporis utatur hac forma orationis.

Corpus Domini nostri Iesu Christi, quod traditum est pro te, conseruet corpus tuum, & perducatur animam tuam in uitam æternam.

Et cum porrigit Sacramentum sanguinis, sic orabit.

Sanguis domini nostri Iesu Christi, qui pro te effusus est, conseruet animam tuam ad uitam æternam.

Si affuerit Diaconus, aut alter Sacerdos, is priorem qui porrigit corpus domini, sequatur cum calice, quem continuo exhibeat. His finitis uertet se sacerdos ad congregationem, quam cum hac benedictione missam faciet.

Et



Et pax Dei, quæ exuperat omnem  
sensum, conseruet corda uestra, &  
mentes uestras in cognitione, & a-  
more Dei, & filij sui domini nostri  
Iesu Christi.

Cui respondebit populus,

Amen.

Et est obseruandum, quòd panis  
consecratus eiusdem erit formæ, qua  
antehac fieri consuevit, & quælibet  
hostia consecrata frangetur in duas  
aut tres partes, iuxta institutionem  
Christi, accepit & fregit ac distribu-  
it. Nemo autem existimare debet mi-  
nus cum parte panis, quàm cum tota  
hostia, sed cum utraque integrum  
corpus Christi accipi.

Præterea obseruandum est, quòd  
si uinum consecratum non sufficiat  
omnibus communicantibus post pri-  
mum calicem, aut primam pateram  
exhaustam, reuertatur ad altare, &  
reuerenter alteram, aut tertiam si o-

B 3

pus

pus fuerit consecret, repetens uerba  
simili modo postquam coenatum est  
&c. usque ad finem, qui pro uobis  
& pro multis effundetur in re-  
missionem peccatorum, si-  
ne tamen eleuatione,  
& adoratione  
aliqua.

## PIO LECTORI.

**C**V M huius ordinationis decretum & in-  
dicatio uenisset in manus nostras scripta  
lingua Anglica, mihiq; legenti uisa esset digna,  
quæ à quamplurimis cognosceretur, impendi  
aliquot horas conuersioni illius in linguam La-  
tinam, & curauì hæc edi, ut innotescere etiam  
alijs gentibus & nationibus possent. Cum au-  
tem sit uere Regia uirtus studium pietatis &  
religionis, in hoc Rege adhuc teneræ ætatis il-  
lud ita elucescens omnium admirationem mere-  
tur. Et cum nulla Religionis ueritas extra uer-  
bum Dei, quod nobis ijs literis, quas sacras uo-  
camus, declaratur, reperiat, In hanc partem  
Regis & populi Anglicani curam cogitatio-  
nemque intendi, ut Euangelium Christi, in quo  
omnium, de quibus uoluntas Dei promulgata  
fuit,



fuit, ἀνακεφαλαιώσις continetur, pure &  
plane doceatur, & ritus instituti à Christo &  
ab Apostolis ut custodiantur, profectò & Deo  
ipsi in primis gratum, & sanctis Angelis incun-  
dum est & omnibus pijs, cum maximam lætici-  
am nonnullam consolationem affert. Cedit igitur  
ueritas iam pulsa illis luculentis sedibus  
Asiæ, Africæ, atq; Europæ etiam, & se in hæc  
ultima loca terrarum confert. Ita nimirum oc-  
culto consilio Dei hæc disponente, ut longius  
etiam sub occasum & septentriones doctrina  
cœlestis propagetur. Ob hoc igitur benefici-  
um nos etiam gratias agere Deo par est. Nam  
quod quidam fortasse cum alia in hac ordinati-  
one reprehendent, tum indignabuntur Regem  
secularem, ut uocant, id est, plane laicum, hanc  
curam suscipere & audere in Ecclesia aliquid  
constituere, ac se etiam huius caput profiteri,  
de eo iam alij ante hoc tempus, cum à quibus-  
dam acerbè exagitaretur, grauiter differue-  
runt. Non est hæc cura atq; cogitatio aliena, à  
Regib. quid in Ecclesia Christi fiat ac geratur,  
sed ad eos potius propriè pertinet, tanquam cu-  
stodes legis diuinæ, præsertim alijs negligentibus.  
Videre enim hac in parte onus et miseriam  
populi, neque alleuare ac succurrere, profectò  
regium non est, nequid dicam uehementius. Sed  
de his non disputabo. Quòd caput se uocat sui  
cœtus Ecclesiastici in regno proprio, id & con-  
suetudine

foetudine & usu linguae Gentis minus durum  
est huic populo. Neq; non scit in illa, quamuis  
tenera aetate ipse, neq; ignorant profecto opt.  
& doctiss. & religionis Christianae amantiss.  
uiri omnium ordinum & conditionum circum  
eum, solum Christum unicum esse caput Ecclesiae  
suae, Sed est nihilominus quisq; Princeps sui po  
puli caput, populus autem certe Anglicus Chri  
stianus est, ut in hac forma sermonis incommodita  
tis nihil insit, nisi aliquid à calumnia maleuolen  
tia fortassis inuehatur, à qua cum nihil tutum  
esse possit, neq; sit amoletum συκοφαντῆς δ' ἡ  
γυατ &, ut ait Comicus, feret nimirum æquo  
animo obtrectationem inuidiae ac odij hic Rex,  
& gaudebit se cum Deo ipsi satisfacere puerili  
conscientia sua, tum omnium bonorum ac piorum  
studia mereri, et contra omnes improbitatis ad  
uersationes enitetur ad consequendam perfecti  
onem uirilem in Christo Iesu, unà cum aetate con  
stante, ad quam eum perducatur, & in ueritatis  
cultu, amore, studio, benigne conseruet Aeter  
nus Pater Filij coeterni Domini nostri Iesu  
Christi unà cum Spiritu sancto, solus,  
uerus, omnipotens, iustus, miseri  
cors Deus, cui laus, honor,  
uictoria sempiterna.

AMEN.

A. A. S. D. TH





rum  
nuis  
opt.  
tiff.  
cum  
esia  
i po  
Chri  
dita  
olen  
tum  
dñs  
quo  
lex,  
erili  
iorū  
ad=  
fecti  
con  
tatis  
ter=  
su  
H